



საქართველოს გაერთიანებული სახელმწიფოს და სოფლის მეურნეობის მინისტრი

ბრძანება N 2-1390

28/09/2021

ქ. თბილისი

მცხეთის მუნიციპალიტეტში, სოფ. მუხრანის ტერიტორიაზე, სასარგებლო წიაღისეულის (მიწისქვეშა მტკნარი წყლის სამეწარმეო მიზნით, 0.07 ჰა-ზე, 3 500 000 მ³ ხუთ წელიწადში) მოპოვებაზე სკრინინგის გადაწყვეტილების შესახებ

სსიპ წიაღის ეროვნული სააგენტოს მიერ გზშ-ის ჩატარების საჭიროების დადგენის მიზნით საქართველოს გარემოს დაცვისა და სოფლის მეურნეობის სამინისტროში წარმოდგენილია მცხეთის მუნიციპალიტეტში, სოფ. მუხრანის ტერიტორიაზე, სასარგებლო წიაღისეულის (მიწისქვეშა მტკნარი წყლის სამეწარმეო მიზნით, 0.07 ჰა-ზე, 3 500 000 მ³ ხუთ წელიწადში) მოპოვების სკრინინგის განცხადება.

სკრინინგის განცხადების შესაბამისად, სალიცენზიო ობიექტი წარმოდგენილია ზღვის დონიდან 547 მეტრ სიმაღლეზე. ობიექტი მდებარეობს მცხეთის მუნიციპალიტეტში, სოფ. მუხრანის ტერიტორიაზე, სს „შატო მუხრანის“ საკუთრებაში რეგისტრირებულ ტერიტორიაზე. წიაღით სარგებლობის ობიექტის GPS კოორდინატებია: X – 465343.661, Y – 4643226.626. ელექტრონული გადამოწმების მიხედვით დგინდება, რომ წიაღით სარგებლობის ობიექტის წერტილიდან მიახლოებითი მანძილი უახლოეს მოსახლემდე (შენობა-ნაგებობამდე) შეადგენს - 50 მ-ს.

მორფოლოგიურად სალიცენზიო ობიექტი (ჭაბურღილი) მდებარეობს ვაკე რელიეფის მქონე ტერიტორიაზე. საინჟინრო-გეოლოგიური პირობების სირთულის მიხედვით, ობიექტის ტერიტორია მიეკუთვნება I (მარტივი) კატეგორიას. არსებული გეოდინამიკური სიტუაცია სტაბილურია და წიაღითსარგებლობის ობიექტის ექსპლუატაციის პროცესში გეოდინამიკური სიტუაციის გაუარესება მოსალოდნელი არ არის.

წიაღით სარგებლობის ობიექტის ჰიდროგეოლოგიური პოზიცია, საქართველოს ტერიტორიის ჰიდროგეოლოგიური დარაიონების სქემის მიხედვით, წარმოადგენს ფოროვანი, ნაპრალოური და ნაპრალოურ-კარსტული წყლების ქართლის არტეზიულ აუზს.

პროექტის ფარგლებში დაგეგმილია არსებული ჭაბურღილიდან წელიწადში 700 000 მ³ მტკნარი წყლის მოპოვება. სკრინინგის განცხადების მიხედვით, წყლის გამოყენება შესაძლებელია სამეწარმეო დანიშნულებით. ჭაბურღილის სავარაუდო სიღრმე 150 მ-ს შეადგენს. წყლები ქიმიური შედგენილობით ჰიდროკარბონატულ-სულფატური, კალციუმ-მაგნიუმიანი და კალციუმ-ნატრიუმიანი ტიპისაა.

ჭაბურღილი საჭიროებს მიმდებარე ტერიტორიის დასუფთავებას და შემოღობვას. ამასთან, აუცილებელია, აღიკვეთოს მიმდებარე ტერიტორიის დაჭაობება. სკრინინგის განცხადების თანახმად, ვინიდან, მუხრანის ველის მიწისქვეშა წყლები აკმაყოფილებს სასმელი წყლის მოთხოვნებს და მომავალში მათი სასმელ-სამეურნეო და სამრეწველო

ჩამოსხმის მიზნით გამოყენება შესაძლებელია, სამეწარმეო დანიშნულებით ლიცენზიის გაცემის მაქსიმალურ ვადად განსაზღვრულია 5 წელი. სსიპ წიაღის ეროვნული სააგენტოს მიერ წარმოდგენილი გეო-საინფორმაციო პაკეტის შესაბამისად, სალიცენზიო ობიექტიდან წყლის მოპოვება დასაშვებია.

სკრინინგის განცხადების შესაბამისად, სალიცენზიო ობიექტი არ მდებარეობს სახელმწიფო ტყის ფონდის, დაცული ტერიტორიების, კულტურული მემკვიდრეობის ძეგლებთან სიახლოვეს და არც ტყით მჭიდროდ დაფარულ ტერიტორიაზე, სადაც გაბატონებულია წითელი ნუსხით დაფარული ხე-მცენარეები.

სალიცენზიო ობიექტზე წარმოდგენილია არსებული ჭაბურღილი. შესაბამისად, პროექტის განხორციელება დაკავშირებული არ არის ახალი ტერიტორიის ათვისებასთან, რაც ზემოქმედებას გამოიწვევდა გარემოს სხვადასხვა კომპონენტებზე.

საქმიანობის სპეციფიკის გათვალისწინებით, მოსალოდნელი არ არის მნიშვნელოვანი ზემოქმედება გარემოს დაბინძურებისა და ხმაურის გავრცელების კუთხით. სალიცენზიო ობიექტი დაშორებულია მჭიდროდ დასახლებული ტერიტორიისგან.

სალიცენზიო ობიექტზე მოსალოდნელი არ არის ნარჩენების წარმოქმნითა და გავრცელებით მოსალოდნელი ზემოქმედება. როგორც აღინიშნა, ობიექტი შემოიღობება და მიმდებარე ტერიტორია დასუფთავდება.

საქმიანობის სპეციფიკის გათვალისწინებით, ბუნებრივი რესურსებიდან გამოყენებული იქნება წყალი. წიაღით (წყლით) სარგებლობის სალიცენზიო პირობების განხორციელებით (რომელსაც ადგენს ლიცენზიის გამცემი ორგანო) საქმიანობა არ გამოიწვევს წყლის გარემოს დაბინძურებას.

დაგეგმილი საქმიანობის სპეციფიკის და მდებარეობის გათვალისწინებით, პროექტის ფარგლებში მოსალოდნელი არ არის ზემოქმედება ნიადაგის ნაყოფიერ ფენაზე და გრუნტის ხარისხზე. ზემოაღნიშნული გარემოებების გათვალისწინებით, პროექტის განხორციელება ასევე არ არის დაკავშირებული ბიოლოგიურ გარემოზე ზემოქმედებასთან.

საპროექტო საქმიანობის მახასიათებლების (არსებული ჭაბურღილებიდან თერმულ-მინერალური წყლის მოპოვება) გათვალისწინებით, მოსალოდნელი არ არის საქმიანობასთან დაკავშირებული მასშტაბური ავარიის ან/და კატასტროფის რისკები. დაგეგმილი საქმიანობა დაკავშირებული არ არის გარემოზე მასშტაბურ ზემოქმედებასთან. სალიცენზიო ობიექტზე წარმოდგენილია მხოლოდ ერთი ჭაბურღილი, საიდანაც წლის განმავლობაში დაგეგმილია 700 000 მ³ თერმულ-მინერალური წყლის მოპოვება.

ყოველივე ზემოაღნიშნულის, მათ შორის საქმიანობის მასშტაბისა და დაგეგმილი ღონისძიების (არსებული ჭაბურღილიდან თერმულ-მინერალური წყლის მოპოვების) გათვალისწინებით, დგინდება რომ მცხეთის მუნიციპალიტეტში, სოფ. მუხრანის ტერიტორიაზე, სასარგებლო წიაღისეულის (მიწისქვეშა მტკნარი წყლის სამეწარმეო მიზნით, 0.07 ჰა-ზე, 3 500 000 მ³ ხუთ წელიწადში) მოპოვებით გარემოზე მნიშვნელოვანი ზემოქმედება არ არის მოსალოდნელი.

„გარემოსდაცვითი შეფასების კოდექსის“ მე-7 მუხლის მე-5 ნაწილის შესაბამისად, სამინისტრომ უზრუნველყო სკრინინგის განცხადების თავის ოფიციალურ ვებგვერდზე და მცხეთის მუნიციპალიტეტის მერიის საინფორმაციო დაფაზე განთავსება.

ადმინისტრაციული წარმოების ეტაპზე წერილობითი შენიშვნები/მოსაზრებები დაინტერესებული საზოგადოების მხრიდან სამინისტროში არ დაფიქსირებულა.

ზემოაღნიშნული კრიტერიუმების გათვალისწინებით, „გარემოსდაცვითი შეფასების კოდექსი“-ს მე-7 მუხლის მე-6 ნაწილის და ამავე კოდექსის მე-II დანართის მე-2 პუნქტის 2.2 ქვეპუნქტის საფუძველზე,

ვ ბ რ ძ ა ნ ე ბ:

1. მიღებულ იქნეს სკრინინგის გადაწყვეტილება, რომ მცხეთის მუნიციპალიტეტში, სოფ. მუხრანის ტერიტორიაზე, სასარგებლო წიაღისეულის (მიწისქვეშა მტკნარი წყლის სამეწარმეო მიზნით, 0.07 ჰა-ზე, 3 500 000 მ³ ხუთ წელიწადში) მოპოვება არ დაექვემდებაროს გარემოზე ზემოქმედების შეფასებას;
2. ლიცენზიის მფლობელი ვალდებულია „გარემოსდაცვითი შეფასების კოდექსის“ მე-7 მუხლის მე-8 ნაწილის შესაბამისად უზრუნველყოს გარემოსდაცვითი ტექნიკური რეგლამენტებით დადგენილი მოთხოვნებისა და გარემოსდაცვითი ნორმების დაცვა;
3. ბრძანება დაუყოვნებლივ გაეგზავნოს სსიპ წიაღის ეროვნულ სააგენტოს;
4. ბრძანება ძალაში შევიდეს სსიპ წიაღის ეროვნული სააგენტოს მიერ ამ ბრძანების გაცნობისთანავე;
5. სკრინინგის გადაწყვეტილების გაცემიდან 5 დღის ვადაში გადაწყვეტილება განთავსდეს სამინისტროს ოფიციალურ ვებგვერდზე და მცხეთის მუნიციპალიტეტის აღმასრულებელი ან/და წარმომადგენლობითი ორგანოს საინფორმაციო დაფაზე;
6. ბრძანება შეიძლება გასაჩივრდეს თბილისის საქალაქო სასამართლოს ადმინისტრაციულ საქმეთა კოლეგიაში (თბილისი, დ. აღმაშენებლის ხეივანი, მე12 კმ. N6) მხარის მიერ მისი ოფიციალური წესით გაცნობის დღიდან ერთი თვის ვადაში.

ლევან დავითაშვილი

მინისტრი